

BIBLIOTEKA


Zakł. Nar. im. Ossolińskich


XVI

3077

32








(x)  
2  
**ABROGATIO**  
**ET MODERATIO, ABVSVM**

ET SVMP TVM, QVIBVS LITIGANTES PAR-  
TES, TAM APVD SCABINALE, QVAM ADVO-  
CATIALE OFFICIVM, NIMIO ANTEA GRA-  
VABANTVR, NECESSARIO CONSTITV-  
TA, ET PER SENATVM CIVITATIS  
CRACCOVIÆ PROMVLGATA.





AD REGIAM CIVITATEM  
CRACOVIAM, CARMEN.

Stabunt res omnes melius, tollantur abusus;  
Qui morbo inficiunt optima quæq; suo.  
Ære graui, lites quando ducuntur ad æuum;  
Coguntur tenues linquere lura sua.  
En iam depulsis tenebris, ac luce reuersa;  
Ciuilis, ratio est reddita pura, fori.  
Ne timeas sumptus litis, cui curta salinum  
Mensa gerit, ius nunc iure repose tuum.  
Ergo tibi merito Craccouia grata, senatus,  
Cura tui hæc maneat. commoda mille feres.



XVI. Qu. 3077

# PRAEFATIO.



D minuendos superuacaneos sumptus qui fiunt apud Iudicia Scabinalia, tum aduocati, uelut superioribus annis coram Sac: R: M: Domino nostro clementissimo, communitas ipsa cōqueſta eſt, Se, ſumptibus, impenſis, & exactionibus, plus æquô & iuſto, grauari. Sua itaq; R: M: decreuit, ut Conſules Iudicium Scabinale, et Aduocatū ſuū cohiberent, & ita prouiderēt, ne immoderatum præcium a Ciuibus exigatur, neq; ullis damnis homines ab illis afficiantur. Plurimum itaq; proderit, ſi omnes illæ inutiles ſolennitates aboleantur, nempe, ut nō ad quamlibet quæſtionem partis ſententia proferatur, ſed dumtaxat, ubi in legitima actione inter partes præceſſerit controuerſia, quam neceſſe ſit, per ſententiā dirimī, alioqui, in his, quæ omnibus nota ſunt, non opus eſt ſententiā, utpote, ſi quiſpiam in aliena cauſa ſeſe aduerſus reum citatum intimet, & reus querat. An non Actor debeat plenipotentiam demonſtrare? Ibi non requiritur ſententiā. Sed Iudex uerbaliter reo præcipiat, ut plenipotentiam exhibeat. Vulgo em̄ notum eſt. Neminem poſſe alienam cauſam citra mandatum peragere.

*Actio  
autem*



## SENTENTIA SVPER QVI- BVS REBVS FERENDÆ.

**N**Vlla proferatur sententia ad unius partis questionem, nisi fortè altera pars contumaciter absit, tunc oportet ex contumacia procedere, & per sententias reum condemnare. Alioquin in alijs casibus non meretur sententia dici, sed mera est ineptia, quicquid ad unius partis instanciam pronuntiatur. Vt. An debeam partem citare? An Acta debeant legi? An mihi liceat de rebus meis testamentaliter disponere? & alia id genus.

## DE SENTENTIIS CON- FIRMATORIIS.

**T**ollantur omnes quæstiones in controuersijs a partibus propositæ. Confirmationum uidelicet, literarum, actorum, plenipotentiarum, minutarum, testimoniorum, tutoriæ, testamentorum, executoriæ. Nam omnes istæ confirmationes, non solum inanes sunt, sed etiam nihil penitus iuris addunt, si res ipsa per se parum est iusta, quod uel ex ipsis uerbis satis liquet.

TESTIMONIUM HOC TANTVM HABET ROB-  
ORIS, QVANTVM IN SE CONTINET. Quasi quis  
diceret, tantū ualet, quantum sonat.



## DE SENTENCIIS SVPER REFORMATIONIBVS.

**C**irca reformationes, Actor quatuor senten-  
cijs uritur, & Reus similiter quatuor. Quum ta-  
men tam Actor, q̄ Reus, suas quilibet reforma-  
tiones unica sententiā absoluerē potest, et debet.

## DE SENTENCIIS SVPER WA- RENDÆ PRÆSTANDA.

**C**irca Warendā seu Euictionē tollantur ine-  
ptæ illæ sententiæ. An debeat præstari Warendæ  
quomodo? quando? An rite præstita sit? an tē-  
pus sit deponere Warendam? sufficit enim an-  
notare, q̄ sit præstita Warendæ, erecta manu  
dextera, ostenso atq̄ erecto pollice, iuxta Iuris  
nostri obseruationem.

## DE SENTENCIIS SVPER AP- PELLATIONIBVS AD- MITTENDIS.

**T**vm etiam parum necessariæ uidentur, illæ  
duæ sententiæ circa Appellationes, An scilicet  
admittenda Appellatio? Et q̄ cito Appellans su-  
am debeat Appellationem proseguī? Notum est  
enim a

enim a diffinitiva quemlibet appellare posse.  
Deinde. Nemo ignorat. Fatalia appellatio-  
num, spatio sex septimanarum finiri. Nisi for-  
te appellans præcustodierit & præcauerit sibi de  
eo, q̃ maturius intra fatalium tempus possit su-  
am proseguere appellationem. Id quod ei liber-  
um erit parte adcitata absq̃ tamen prolatione  
sententiæ.

## SENTENCIARVM MULTI- PLICATIO VITANDA.

**A** Iudicibus magnopere vitetur multiplica-  
tio sententiarum, ne quod una absolui possit, in  
plures, quæstus gratia, parciatur. Vt, Si decernē-  
dum sit, aliquem debere creditum persolvere, a-  
dijciatur etiam tempus Quindenæ, octauæ, tri-  
dui, ad occasum solis, secundum causarum qua-  
litatem.

## DE SENTENCIIS SVPER IV- RAMENTIS PRÆSTANDIS.

**C**irca Iuramenta principaliū, obmittātur illæ  
omnes sententiæ & quæstiōes inutiles, quomodo  
iuraturus debeat adire crucem? Quomodo iu-  
randum? An tempus flectendi? apponeñ. de-  
poneñ.



ponen. digitos, assurgendi? Sufficit enim, quod queratur, si & in quantum principalis suus, pro primo iuxta cursum iuris, iuramentum peragere non ualeat, quoties illi opus fuerit. Si uero persona uirilis, quod bis post primum reiterandum. Tum & altera sufficit sententia, q̄ reus peracto rite iuramento liber sit ab impetitione Actoris, Et a cruce nihil exigatur.

## DE IURAMENTIS DIMITTENDIS.

**A** Dimissione iuramentorum, nulla poena Iudici cedat. Sed dumtaxat illi poenam succumbant, qui iuramenta decreta contumaciter non praestiterint. Etenim si Accusator, uel ex gratia uel Dei timore, remittit iuramentum, nulla inde penitus Iudici irrogatur iniuria. Et usu comperit, multos haud quaquam iuratuos fuisse, nisi metu poenae, quam aduocato dari oportuerat.

## DE SENTENCIIS SUPER TESTIVM PRODUCTIONE.

**C**irca productionem testium, tollantur illae inutiles sententiae, An testis debeat in rotam intromitti? An debeat exaudiri? Quum tamen  
A iij in alijs

in alijs casibus omnibus fere pateat rota, quibus aliqua sunt negotia. Et quod est ridiculum. Quando præco testificari debet de citacionibus. Queritur. An præco debeat in rotam intromitti? Quñ præcones, ut plurimum in rota desideant.

## A MVNIMENTORVM ATQ; ACTORVM LECTIONE QV ID PENDENDVM.

**I**N progressu actionum, magnus fit sumptus circa minutarum & literarum lectionem. Sæpenumero leguntur duodecim minute, & a singulis datur grossus unus. Quum tamen ex illis nonnullæ uix tres lineas contineant. Itē diuersi actus leguntur ex libris iudiciorum, & a singulis datur per unum grossum. Sufficiet dari grossus unus ab omnibus quæ in una causa atq; una instancia seu termino leguntur.

## DE ADNOTATIONE SÆPE REPETITARVM RERVM.

**I**Tem. Propter molestam reppeticionem partium uel procuratorum in agendis & defendendis causis, crescunt libelli & processus in immensum eorum reppeticiones quoties fiunt, toties actis



actis inferuntur, atq; ita ex parua causa, nascitur ingens uolumen. Quæ tamen omnia, aut raro, aut nunq; a iudicibus idem uel ultimæ instantiæ perleguntur. Sufficit autem semel annotasse, quæ in una eadem causa à partibus, uel a procuratoribus dicuntur.

A CONTUMACIIS QVOMODO  
soluendum, præsertim si fiant per  
plenipotentem.

**A**B annotatione contumaciæ in causis excedentibus summā decē marcarū detur grossus unus. Si hæc fiunt a plenipotente, detur a plenipotencia grossus unus. Sed dumtaxat semel pro una uice in primo termino. In subsequentibus terminis, nihil soluatur a plenipotencia; de qua officio iam constat. Nam alias proceden. in contumacia & perlucris, sepius reiterantur plenipotencia, & sumptus multiplicatur.

A RESIGNATIONIBVS QVOMODO  
soluendum:

**Q**Vando plures hæredes, aut quicuncq; alij proprietarij. unam hæreditatem resignant, tum sicbant totidem resignationes diuisim, & a singulis

gulis soluebantur solidi scabin des. cum tamen hoc fieri debet ab omnibus conium sum, per unā resignationem, secundum antiquam consuetudinem, præsertim, q̄ totus ille actus etiam in unam inscriptionem redigi solet.

## A TRANSLATIONIBVS EX officio factis, nihil exigendum.

**S**I quando ex officio fit trāslatio omnium causarum. Nihilominus etiam exigitur in speciali peccunia a partibus præsentibus, quod fieri non debet. A causarum uero translationibus, quæ uel per aduocatum, uel scabinos ex officio fiunt, nil penitus exigatur.

## DE POENIS MAGNI IVDICII, ob titulorum permutationem.

**I**N iudicio magno cessent poenæ, quæ exiguntur ab his, qui per errorem prius Scultetum, q̄ Burgrabium nominauerint. Ista enim nihil faciunt ad iusticiæ administrationem.

## A PROSCRIPTIONIBVS quomodo soluendum, Et quo ydion- mate fieri debeant.

Circa



**C**irca proscriptiões seu pröclamationes, a sentenciarum quęstionibus & impensarum, nullus est, neq; finis, neq; modus. Sufficiat ergo seruari talem ordinem & impensam, uidelicet a cōuocatione scabinorum grossus unus. *propter tabile sprang* Præconi a quatuor citaciōibus seu accersionibus grossi quatuor. Item. A sententia prima. An non debeat iuris subsidium preberi ad accersendum homicidam? Solidus scabinalis. A relatione Præconis, uicibus quatuor. Solidi scabinales quatuor. Auocationibus, quatuor similiter. Posthæc ex contumacia & propositione fit sententia. Ultimò & finaliter queratur: An humari debeat? Pro quibus ambobus, duo scabinales solidi soluantur, & non amplius. Aduocato uero, a qualibet prefatarum sentenciarum grossus saltē unus dabitur. Famulo aduocati uel procuratori, dentur duodecim grossi. Proscriptio autem sermone Polonico, ut omnes audientes intelligant, a scabinis proferatur,

SINE SENTENTIA MVLTAE  
proferri possunt.

**P**orro, multum decrescet litium impensis, si  
B ij iudici

iudicibus curæ fuerit, non omnia per sententiam. Sed pleraq; uerbaliter partibus edicere. Maxime quæ sunt usitata, protrita, & omnibus notissima. Quemadmodum superius etiam demonstratum est.

DE MVLTATA SCABINORVM,  
& aduocati, ob maledicta & uerborum  
contumeliam a litigantibus,  
exigenda.

**I**N casu, ubi coram iudicio, dum actio & lis ducitur, pars partem, siue sit principalis, siue mandatarius & procurator, conuictiosis & rixosis uerbis, affecerit. Idq; ipsum iudicium audiuerit, tum non exigatur multa & poena pro singulis ipsorum scabinorum & aduocati personis. Sed ad instigationem præconis ex mandato iudicij factam, Reus, unicam multam reponat toti iudicio scabinis & aduocato, nempe dūtaxat uiginti quinq; grossos solidū unū. Quod si coram iudicio, dum actio & lis ducitur, pars partem siue sit principalis, siue mandatarius & procurator, uerbis infamiam adferentibus impetierit. Idq; ipsum iudicium audiuerit, Tum pariter unica tantummodo multa, ut supra, toti iudicio, per præconem exigatur, &



tur, & per ream partem reponatur. Parti uero lesæ & infamatae, reus tenebitur eiusmodi uerbalem famosam iniuriam, reuocatione emendare, iudicio durante.

## DE VERBALI DIFFAMATIONE.

**I**N iudicio aduocatiali, est ingens confusio, in causis diffamationum. Nam, ubi alter alterum citat pro diffamatione. Reus negat. Decernitur iuramentum. Sed quia ex recepta consuetudine in diffamatorijs non admittitur iuramentum, cogitur mox reus dare poenam.

Et sæpe una mulier ira astuans, citat tres uel quatuor mulieres aduersarias, pro diffamatione. Illæ omnes negant. Mox singulae ob non prestacionem iuramenti, succumbunt poenas.

Est in eo casu magna calumnia & poenarum exactio. In causis ideo eiusmodi diffamationum, quæ præsertim inter leues & parua conditionis personas utriusque sexus accidunt, aduocatus obseruet cognitionem de plano, sine ulla impensa.

Et ream conuictamque testimonijs partem, cogat, ut partem offensam ijs uerbis reconciliet, dicentem.

DOLEO, ID EX HVMANA FRAGILITATE ET ANIMI IMPULSV, FACTVM, NIHIL ENIM MALI DE TE VNQVAM MIHI CONSTAT, PROIN-

B iij

de, oro,

DE, ORO, PROPTER DEVM, IGNOSCITO.

Hoc facto. Aduocatus ob petulantiam suæ linguæ, mulctam, a ciuibus, trium grossorum, accipiat. Quod si pars rea adco pertinax sit, nolens parti offensæ reconciliare, extunc ream partem cognitam, puniat, scilicet uinculo *u. lo. h. r. a. t. o. r. q. u. i. s. f. e. r. r. e. a. u. u. l. g. o. n. u. n. c. u. p. a. t. o. K. u. n. a.* & non dimittatur hinc, nisi satisfecerit.

DE MULCTIS ADVOCATI  
ex uulnerationibus.

**I**N casu, ubi de uulneribus cruentis monomachalibus agitur. Aduocatus ita se gerat in exigendis mulctis, uidelicet si eiusmodi uulnerationis cruentę monomachalis accusatio acciderit, post magni legalis iudicij proclamationem, intra duarum septimanarum spatium, tum exigatur mulcta quadraginta grossi. Quod si illa uulnerationis cruentę monomachalis accusatio, euenerit alio tempore extra dictę proclamationis tempus, tum exigatur mulcta a parte ledente, viginti quinque grossi solidus unus. Cuicunque sexui a quocunque sexu tale uulnus illatum fuerit. Secus obseruabitur in simplici cruentacione & liuida percussione, ubi aduocatus exiget mulctam quinque grossorum solidum unum, & non maiorem.

De pro-

## DE PROCVRATORIBVS.

**P**rocuratores sint iurati, quibus definitū datur prætium. Videlicet ab arrestacione, a terminorum asticione, a dilationibus, seu suspensionibus causarum. Sufficiat procuratori dari grossus unus. Verum a procuracione causæ unius diei spacio præstita, Sufficiat dari quatuor grossos procuratori, tam actoris quæ rei.

## DE PROCVRATORIBVS, qui iurare noluerint.

**E**os uero, qui iuramentum facere non uellent. Iudex a subsellijs repellat, illisque actiones agere non permittet. In contrarium agentes, ad excessus rationem, a Consulatu Cracouiensi ad partis instantiam, puniendi sunt.

## DE HIS QUI AMICO PATROCINANTUR, atque de externis procuratoribus.

**S**i quis uero amicus, agnatus, siue cognatus. Causam alicuius coram consulatu, uel iudicio agere uellet, quæ breuibus absolui consueuit, hos à iuramento liberamus, nisi uarijs personis officia sua facerent. Indigenis et externis quoque liberum



liberum sit secum aliunde procuratores adducere, & iuramento eos non grauari, nisi eadem absoluta causa hic quoq; aliorum causas procurarent. Nam tū sic quoq; obligati erunt ad eadem, ut alij hic habitantes, onera.

IURAMENTVM PROCVRATORVM, quod singulis annis præstare tenentur, post scabinorum electionem.

**E**GO N. iuro Deo. quia iudici obediens esse uolo, in his, in quibus de iure teneor. Et q; sincere, fideliter, diligenter, integre, & sine multis dilacionibus, non animo ferendi lites, officium meum procuratoris, administrabo, causam in agendo uel defendendū. a principali meo susceptam, pro uirili ingenij mei, iuxta conscientiam rectam & exquisitius consilium, defendam, cognitoq; consilio unius, alteri non pandam, neq; ad illum me diuertam, sed circa priorem stare uolo, ad finem usq; litis. Iuroq; & munimēta per principalem meum mihi oblata & data, tum & consilia atq; colloquia, in causa mihi credita: nemini, maximeq; parti aduersæ, uel procuratori, aut assistentibus illi, nerbo, scriptis, indicijs, per se, uel per alium, reuelare, nec in dānum principalis beniuole me uincere permitta:  
& alias

& alias omnia facere uolo, quæ bonum, fidelem;  
ferendarium & patronum decent, istudq; om-  
mittere nolo, gratia amoris, fauoris, odij, ini-  
mitiæ, munerum, lucri, aut alicuius alterius  
rei. Sic me Deus adiuuet & omnes sancti eius.

DE ADVOCATIA ET IVDI-  
cio aduocati priuato, sine iuris stre-  
pitu præstando.

**R** Elsecatis grauioribus & inutilibus litis  
sumptibus, qui coram officio scabinali fiabant.  
Operæpretium quoq; est, eiusmodi abusus &  
grauamina apud officium aduocatiale repurga-  
re, & amputare. Ideo. Omnes actiones co-  
ram aduocato non excedentes decem marcas.  
Cum sunt breues lites, & inter personas paupe-  
res & uiles, paruæq; condicionis, cognoscere sta-  
tim oportet, absq; aliqua expensa. Quemad-  
modum etiam cognoscuntur & aguntur co-  
ram domino Proconsule. Sufficiat q; à citacio-  
ne partis detur solidus unus, & a sententia acti-  
cata, similiter solidus unus. A lectione autem  
actorum, nil omnino solui debet.

A MINVTIS ET INVENTA-  
rijs aduocato quomodo soluendum.

C

A minu-

**A** Minutis autem aduocatialibus, causarum & inscriptionum, tam coram scabinali q̃; aduocatiali officio, uentilatarum & factarum, ab aduocatiali officio ex libris eiusdem aduocati officij recipiendis, soluatur ipsi aduocato, ad eum qui sequitur modum, nempe a media pagina scripta, siue medio folio scripto, si addetur sigillum, grossos duos. Sin autem sigillū desit, grossus unus. Ab integra uero pagina scripta, siue integro folio scripto cum sigillo, grossi tres. Sine autem sigillo grossi duo. Similiter circa cōscriptionem, & minutarum extractionem, inuentariorum, eiusmodi moderatio sumptuum seruetur.

#### AB OCCLVSIONE ÆDIVM

aut cistarum, dum conscribendus sit inuentarius, quomodo soluendum,

**C**Æterum in conficiendis inuentarijs, ab ob-  
signatione & sigillatione, ita soluatur aduoca-  
to simul cum eius familia. Videlicet a qualibet  
unius cubiculi occlusionem & obsignationem tres  
grossi, totiens, quotiens, eam occlusionem & si-  
gillationem fieri acciderit. A simplici uero oc-  
clusio-



clusiōe & obliigatione ciste, uel armarij unius;  
si quis eam optauerit, soluatur unus grossus.

## A RELAXATIONE QUID SOLVENDVM.

**A** Relaxatione uero, si partes cōcordauerint,  
detur grossus unus. Si decem marcas excesserit;  
sin minus, solidus unus detur.

**A** PLENIPOTENCIA, IN EO  
actu qui coram solo aduocato fit,  
quid soluendum.

**A** B inscriptionibus contumaciarum, obli-  
gationum etc. quæ per plenipotentes fiunt.  
Semper a plenipotencia exigebatur grossus v-  
nus. Sufficiat solidus unus. Vt sit differentia  
inter iudicia Bannita, & aduocatialia.

**A** DANDIS POSSESSIONIBVS;  
quomodo soluendum.

**A** Busus item, in danda possessione abolean-  
tur. Siquidem antea, ubi alicui dabatur posses-  
sio in hortum, & adnexæ fuerant plures domū-  
culæ, ad illum hortum pertinentes. A singulis  
C ij domuncu

domunculis præcium postulabatur. Sufficiat ergo a danda possessione, in hortum simul cū pluribus adnexis domunculis, ad illum hortum pertinentibus, unicum præcium consuetū dari.

## DE POSSESSIONE DANDA, uarijs quidem sed coniunctis personis.

**C**VM contigerit plures hæredes coniunctas & cognatas personas, in unam & eadem hæreditatem capere possessionem, tum aduocatus contentus sit unico præcio consueto, ab eisdem personis omnibus in solidum accepto,

## DE POSSESSIONE DANDA, diuersis & distinctis personis.

**S**In uerò contigerit dari possessionem, extraneis & non coniunctis personis, habentibus diuersum ius acquisitum, tum soluatur aduocato seorsim & uiritim, a cuiuslibet personæ possessione, præcium solitum.

## AB ARRESTATIS OFFICIO. q̃ præsentatis equis, quid exigendum.

**E**T circa equos arrestatos & ad officium adductos

ductos, magna fuit impensa, præsertim si eorū  
erant multi, & longo tempore detinebantur,

A singulis enim equis, singulis diebus nocti-  
busq; numerabantur ratione Orboræ per gros-  
sum unum. Sufficiat ergo ab Orbora solidus  
unus. A pabulo uero singulis diebus & nocti-  
bus præbito, grossus unus. Nihilominus, si  
quis interim uelit huiusmodi equum fideiussor-  
ia cautione ab aduocato eliberare. Id quoq;  
concedendum erit, & ab Orbora liber erit.

## INTER LITIS EXPENSAS quæ adnumerari debent.

**I**Nter expensas litis, computentur ordinata  
salaria procuratorum, & sumptus minutarum,  
secundum ordinationem prius descriptam.

## DE PRÆCONIBVS.

**P**Ræconum etiam rapacitas meritò còercen-  
da uidetur, ne posteaq; ab una parte cittandi  
præteritum acceperint, rursus etiam, quod antea  
sæpe factitatum est, a diuersa parte accipiant.  
Quæ res parit de prioritare cittacionis multa-  
rum contencionum seminaria. Sed ut pri-  
C. iij mum



mun, merces præconi data est, tum pro fide &  
iuramento suo, exequatur illam cittacionem, ni-  
hil a diuersa parte interim recepturus.

Huc etiam pertinet alius error meritò abolen-  
dus, q̃ plerunq̃ unus litigantium, omnes quot-  
quot sunt, Procuratores & Præcones, nu-  
merata mercede conducit, & subar-  
rat, quod fieri non debet,

C R A C O V I Æ,


APVD VIDVAM FLORIANI VNGLERII,  
ANNO A CHRISTO NATO,


---

1 5 4 7.



1721







7789  
7

